

An Chomhairle
Mhúinteoireachta



The Teaching Council

Lámhleabhar Clárúcháin 2025/2026

- Eolas faoin gComhairle
- Coinníollacha clárúcháin
- Athnuachan ar chlárúchán
- Caighdeáin Ghairmiúla
- Do shonraí teagmhála a nuashonrú

Ábhair

Fáilte	3
Teachtaireacht ó Chathaoirleach agus ó Stúirthóir na Comhairle	4
Maidir leis an gComhairle Mhúinteoireachta	5
Téarmaíocht	5
Clárú faoi réir coinníollacha	5
Coinníollacha cleachtais ghairmiúil iarcháilíochta - Droichead	6
Coinníollacha clárúcháin eile	8
Riachtanas na Gaeilge (ILR) (Bunscoil)	8
Stair agus Struchtúr Chóras Oideachais na hÉireann (H&S) (Iar-bhunoideachas)	8
Bealach 5 - Múinteoirí faoi oiliúint	9
Achomharc a dhéanamh ar choinníoll clárúcháin	10
Dátaí éaga ar choinníollacha	10
Iarratas ar shíneadh a chur le tréimhse chlárúcháin choinníollaigh	10
Cliseadh ar choinníoll clárúcháin a chomhlíonadh	10
Athiontráil isteach sa Chlár	11
Rochtain a fháil ar “Mo Chlárú” logáil isteach	11
Rochtain ag an bpobal ar an gClár	11
Grinnfhiosrúchán	12
Treoir do mhúinteoirí cláraithe faoi úsáid na meán sóisialta agus na cumarsáide leictreonaí	12
Caighdeáin Ghairmiúla	12
Gearáin i gcoinne múinteoirí cláraithe a imscrúdú (Feidhmiúlacht chun Múineadh)	12
Athnuachan bhliantúil ar chlárú	13
Faoiseamh ó Cháin Ioncaim	13
Conas tabhairt faoi athnuachan	13
Tábhachtach — do shonraí teagmhála a choinneáil cothrom le dáta	13
Bileog EBSCO	14
Ag coinneáil i dteagmháil	15
Déan teagmháil linn	15
Aguisín 1- Droichead: Treoir Mheartosaithe	16
Aguisín 2 - Dul chun cinn i bhforbairt rialacháin faoi threoir ghairmiúil	18

Fáilte

Tugtar sonraí tábhachtacha sa lámhleabhar seo maidir le ról agus feidhmeanna na Comhairle Múinteoireachta, agus maidir le clárú a choinneáil leis an gComhairle.

Is ionann clárú agus marc aitheantais ghairmiúil mar mhúinteoir. Cinntíonn sé go gcoinnítear caighdeáin iontrála sa ghairm.

Deonaítear clárú leis an gComhairle Mhúinteoireachta nuair a chomhlíonann múinteoir riachtanais na Comhairle maidir le cáilíochtaí agus fianaise ar cháil.

Ní mór do mhúinteoirí cláraithe cloí leis na caighdeáin atá leagtha síos ag an gComhairle, lena n-áirítear an [Cód Iompair Ghairmiúil do Mhúinteoirí \(an dara eagrán nuashonraithe 2016\)](#).

Is riachtanas é clárú leis an gComhairle Mhúinteoireachta do mhúinteoirí chun go n-íocfar é/í ó chistí poiblí (Alt 30 den Acht um Chomhairle Mhúinteoireachta, 2001; Ciorclán 0025/2013 ón Roinn Oideachais agus Scileanna).





Teachtaireacht ó Chathaoirleach agus ó Stiúrthóir na Comhairle

A mhúinteoir cláraithe, a chara,

Comghairdeas leat as clárú mar mhúinteoir! Tá tú anois i do bhall de cheann de na gairmeacha is tábhachtaí i sochaí na hÉireann.

Is ionann bheith i do mhúinteoir cláraithe agus tús a chur le céim nua i d'aistear trí chontanam an oideachais mhúinteoirí. Creidimid sa Chomhairle Mhúinteoireachta go mbíonn tionchar ag an múinteoireacht ar shaol gach duine sa tír seo ar bhealach nach mbíonn ag aon ghairm eile. Tá ionchur domhain ag gairm na múinteoireachta ar shaol sibhialta agus sóisialta na hÉireann agus níos mó ná 4,000 scoil agus beagnach milliún mac léinn gníomhach ann. Creideann tuismitheoirí agus caomhnóirí sa chumas atá ag oideachas na hÉireann agus ag na múinteoirí a oibríonn inár scoileanna. Cuirtear muinín i múinteoirí leis an bhfreagracht mhór atá orthu, as cabhrú lena gcuid daltaí a ullmhú don saol mar shaoránaigh a bhfuil oideachas orthu, chomh maith lena n-acmhainneacht dhearfach iomlán mar dhaoine a bhaint amach.

I measc príomhspriocanna na Comhairle tá gairm na múinteoireachta a chur chun cinn agus caighdeán do ghairme a chothabháil agus a fheabhsú ionas go leanfaidh sí den ionchur dearfach sin. Agus an méid sin á dhéanamh aici, freastalaíonn an Chomhairle ar leas an phobail, agus ag an am céanna tacaíonn sí agus cuireann sí le cáil na gairme. Chun caighdeán na gairme mhúinteoireachta a choinneáil, braitear ar thrí bhonn: na caighdeáin iontrála sa ghairm a leagan síos; a chinntiú go gcoinníonn baill na gairme na caighdeáin sin ar feadh a ngairme beatha; agus seasamh leis na bunluachanna de mheas, cúram, ionracas agus muinín tríd an bpróiseas um fheidhmiúlacht chun múineadh. Tá an Chomhairle freagrach as gach gné díobh seo de ghairm na múinteoireachta.

Cuir an dua ort féin le do thoil chun an lámhleabhar seo a léamh. Leagtar amach ann feidhmeanna na Comhairle i dtéarmaí leathana, agus cuireann sé treoir ar fáil maidir le príomhnósanna imeachta, lena n-áirítear an próiseas bliantúil um athnuachan clárúcháin. Gheobhaidh tú eolas faoi ról na Comhairle Múinteoireachta ag www.teachingcouncil.ie

Ar deireadh, thar ceann na Comhairle, ba mhaith linn gach rath a ghuí ort i do ghairm, agus tá súil againn go mbeidh sé chomh saibhirthe agus chomh sásúil céanna duitse agus a bheidh ann do gach duine de do chuid mac léinn.

Le gach dea-mhéin,

An Dr Lynn Ramsey

Eamon Dennehy

Maidir leis an gComhairle Mhúinteoireachta

Is í an Chomhairle Mhúinteoireachta rialtóir ghairm na múinteoireachta in Éirinn. Is é an ról atá againn ná an pobal a chosaint trí chaighdeáin ghairmiúla sa mhúinteoireacht a chur chun cinn agus a rialú.

Déanaimid é seo trí chláru reachtúil múinteoirí, ag cinntiú gairm mhúinteoireachta ardcháilithe, a gcomhlíonann agus a gcloíonn a mbaill le hardchaighdeáin inniúlachta gairmiúla agus iompair ghairmiúil.

Tá 37 gcomhalta sa Chomhairle, ar múinteoirí iad 22 acu agus tugtar cumhacht di de réir an dlí chun:

- caighdeáin a leagan síos maidir le dul isteach i ngairm na múinteoireachta
- Clár Múinteoirí a chothabháil
- riachtanais oideachais ghairmiúil a bhunú do mhúinteoirí
- cód iompair ghairmiúil do mhúinteoirí a bhunú, a fhoilsiú, a athbhreithniú agus a chothabháil, lena n-áireofar caighdeáin mhúinteoireachta, eolais, scileanna agus inniúlachta
- gairm na múinteoireachta a chur chun cinn agus a rialáil
- gearáin faoi mhúinteoirí cláraithe a imscrúdú.

Ó bunaíodh í in 2006, tá dul chun cinn suntasach déanta ag an gComhairle i ngach ceann dá feidhmeanna. Féach Aguisín 2 den lámhleabhar seo chun tuilleadh sonraí a fháil.

Tá an tAire Oideachais fós le roinnt d'fheidhmeanna na Comhairle a thosú lena n-áirítear Alt 39 a bhaineann le foghlaim ghairmiúil leanúnach múinteoirí. Sular cuireadh tús leis an gcuid sin, d'fhoilsigh an Chomhairle [Cosán](#), an Creat Náisiúnta um Foghlaim Múinteoirí chun foghlaim ghairmiúil a chur chun cinn, agus chun rannpháirtíocht múinteoirí inti a threorú. Is creat solúbtha é Cosán a aithníonn tábhacht chúinsí an duine agus comhthéacsanna scoile agus an iliomad bealaí éagsúla ina bhfoghlaimíonn múinteoirí. Chun tacú le múinteoirí mar fhoghlaiméoirí fad saoil, cuireann an Chomhairle rochtain saor in aisce ar fáil do gach múinteoir cláraithe ar [leabharlann ar líne](#), a bhfuil rochtain inti ar 500 rleabhar agus 2,000 iris. Ach go háirithe, cuireann an Chomhairle foghlaim chomhoibríoch chun cinn, agus slí amháin a dhéanaimid é sin ná trí Chreat Tacaíochta Taighde John Coolahan. Cuireann an Creat tacaíocht maoinithe ar fáil do mhúinteoirí agus dóibh siúd a bhfuil taighde nua ar bun acu nó atá ag fiosrú taighde atá ann cheana ina gcleachtadh. Cuireann an Creat béim láidir ar ghníomhaíochtaí taighde lena neartaítear naisc idir taighde, polasaí agus cleachtadh agus a lena gcuirtear foghlaim chomhroinnte chun cinn.

Príomhchuspóir de chuid na Comhairle is ea Cosán a chur i bhfeidhm ar fud an chórais faoi, mar atá leagtha amach ina Plean Straitéiseach 'Cur i bhfeidhm Cosán (an creat náisiúnta d'fhoghlaim múinteoirí) ar fud an chórais a chur chun cinn i gcomhar leis an Roinn Oideachais, a seirbhísí tacaíochta agus páirtithe leasmhara náisiúnta, chun áthas agus cruthaitheacht san fhoghlaim a chothú' agus chun ról na bpríomhpháirtithe leasmhara a leagan amach maidir le tacaíocht a thabhairt do mhúinteoirí páirt a ghlacadh leis.

Tá an Chomhairle ag tnúth le tús a chur lena cuid feidhmeanna go léir, ionas go mbeidh sí in ann a ról reachtúil a bhaint amach go hiomlán.

Téarmaíocht

Múinteoir Cláraithe

Tagraíonn 'múinteoir cláraithe' do gach múinteoir atá cláraithe leis an gComhairle Mhúinteoireachta, lena n-áirítear múinteoirí faoi oiliúint atá cláraithe faoi Bhealach 5.

Sainmhíniú ar Mhúinteoir Nuacháilithe

Sainíonn an Chomhairle "múinteoir nuacháilithe" nó "MNC" mar mhúinteoir a chomhlíonann riachtanais na Comhairle ó thaobh cáilíochta de faoi Bhealach, 1 nó 2 den Sceideal ach nach bhfuil an tréimhse chleachtais ghairmiúil is gá curtha i gcrích acu, lena n-áirítear múinteoir a fuair iontráil ar an gclár trí Bhealach 5 den Sceideal agus a chríochnaigh an clár creidiúnaithe in oideachas múinteoirí inár cláraíodh iad ó shin.

Clárú faoi réir coinníollacha

Deonaítear clárú faoi réir coinníollacha (clárú coinníollach) nuair nach bhfuil ceanglais chlárucháin uile na Comhairle comhlíonta ag iarratasóir ar chlárucháin. Má dheonaítear clárú coinníollach, cuirfidh an Chomhairle an múinteoir ar an eolas faoi na coinníollacha a chuirtear i bhfeidhm, faoi na bearta is gá chun iad a chomhlíonadh agus faoin tréimhse ama nach mór iad a chomhlíonadh. Déanfar coinníollacha a thaifeadadh ar Chlár na Múinteoirí agus ar Theastas Clárúcháin an mhúinteora.

Is féidir le múinteoir rochtain a fháil ar a sonraí clárúcháin lena n-áirítear coinníollacha trína gcúntas tairisí Mo Chlárú agus www.teachingcouncil.ie.

Chomh luath agus a chláraítear den chéad uair iad, cuirtear Deimhniú Clárúcháin ar fáil do mhúinteoirí ar a dtairseach Mo Chlárú, a bhfuil coinníollacha ar bith atá i bhfeidhm fógartha. Go ginearálta, tagann na coinníollacha faoi dhá chatagóir:

1. Coinníollacha Cleachtais Ghairmiúil Iarcháilíochta (e.g. Droichead)

2. Coinníollacha Eile.

Nuair a chláraíonn múinteoir den chéad uair, féadfar coinníoll amháin nó meascán de na coinníollacha seo a leanas a thabhairt dóibh le dáta éaga ar leith, go hiondúil trí bliana ó dháta an chlárucháin tosaigh.

Ó am go ham is féidir leis an gComhairle múinteoirí a chlárú le coinníollacha eile. I gcásanna den sórt sin, cuirfidh an Chomhairle faisnéis shonrach ar fáil don mhúinteoir ar chlárucháin.

Múinteoirí Bunscoile

1. Droichead
2. Easnaimh Cháilíochtaí (EC)
3. Riachtanas na Gaeilge (ILR)

Múinteoirí Iar-bhunscoile

1. Droichead
2. Easnaimh Cháilíochtaí (EC)
3. Stair agus Struchtúr Chóras Oideachais na hÉireann (H&S)

Múinteoirí Breisoideachais

1. Cáilíocht d'Oideachas Múinteoirí (TEQ)

Mínítear gach ceann de na coinníollacha seo ar na leathanaigh seo a leanas.

Coinníollacha cleachtais ghairmiúil iarcháilíochta

Droichead (Bunscoil & Iar-bhunscoil)

Cad is Droichead ann?

Is é Droichead an próiseas ionduchtúcháin gairmiúil comhtháite do mhúinteoirí nuacháilithe (MNCanna) agus do mhúinteoirí nach bhfuil an tréimhse riachtanach den chleachtas gairmiúil curtha i gcrích acu roimhe seo. Baineann sé go bunúsach le turas gairmiúil an mhúinteora. Cuid lárnach den phróiseas is ea rannpháirtíocht múinteora le comhghleacaithe a bhfuil níos mó taithí acu, agus machnamh ar na comhráite gairmiúla a bhíonn ar siúl maidir lena gcuid foghlama agus a gcleachtadh gairmiúil féin. Ghlac an Chomhairle leis an tsamhail mar bheartas in 2016. Ón mbliain acadúil 2020/2021 is é Droichead an t-aon bhealach ionduchtúcháin do gach MNC bunscoile agus iar-bhunscoile.

Is féidir tús a chur le Droichead beag beann ar na coinníollacha ar nós an Riachtanas Gaeilge. Ós rud é gur próiseas comhtháite ionduchtúcháin é Droichead, comhlíonann cur i gcrích phróiseas Droichead na coinníollacha traidisiúnta Ceardlann Promhaidh, Fostaíochta Iarcháilíochta agus Ionduchtaithe. Bíonn Droichead ar siúl laistigh de gach bliain acadúil agus bíonn ar mhúinteoirí an próiseas a chur i gcrích laistigh den tréimhse ama sin.

An próiseas Droichead

Tá dhá phríomhshnáithe sa phróiseas Droichead, agus ní mór an dá cheann a chur i gcrích:

Snáithe A

Is éard atá sa chéad snáithe ná ionduchtú scoilbhunaithe ina bhfaigheann an MNC tacaíocht ó fhoireann comhghleacaithe a bhfuil taithí acu, ar a dtugtar an Fhoireann Tacaíochta Gairmiúla (FTG). Cuimsíonn sé tuairimí, plé gairmiúil agus Taisce (punann) agus cuirtear i gcrích é le linn tréimhse teagaisc leanúnaigh. Ní mór do mhúinteoir bunscoile bloc fostaíochta nach lú ná 60 lá scoile as a chéile a chríochnú i suíomh incháilithe, ag múineadh gach réimse de Churaclam na Bunscoile do rang príomhshrutha daltaí (aonghrád nó ilghrád) don lá scoile ar fad. I gcúinsí áirithe, d'fhéadfadh MNC Droichead a chur i gcrích i ról múinteoireachta oideachais speisialta e.g. tacaíocht foghlama/tacaíocht teanga/teagasc acmhainní.

Ní mór do mhúinteoir iar-bhunscoile bloc d'fhostaíocht mhúinteoireachta nach lú ná 200 uair an chloig a chur i gcrích i suíomh incháilithe, lena n-áirítear ábhar nó ábhair churaclaim iar-bhunscoile a theagasc chuig rang ainmnithe ar amchlár na scoile, nó fostaíocht i bpost teagaisc oideachais speisialta, amhail tacaíocht foghlama/tacaíocht teanga/teagasc acmhainní.

Snáithe B

Tá an dara snáithe comhdhéanta de ghníomhaíochtaí foghlama gairmiúla breise, lena n-áirítear freastal ar chnuaschruinnithe MNC (ceann amháin in aghaidh an téarma ar feadh thréimhse phróiseas Droichead an MNC) agus gníomhaíocht foghlama gairmiúil amháin eile a bhaineann le riachtanais an MNC.

Conas iarratas a dhéanamh ar Droichead

Is féidir iarratas a dhéanamh chun an próiseas Droichead a chur i gcrích trí limistéar tairisí na Comhairle Múinteoireachta. Chun rochtain a fháil ar an limistéar tairisí, tabhair cuairt ar shuíomh gréasáin na Comhairle Múinteoireachta - www.teachingcouncil.ie - agus roghnaigh an táb “Logáil isteach / Mo Chlárú”. Nuair atá tú logáilte isteach i do chuntas tairisí, roghnaigh “Mo Choinníollacha” agus ansin an cnaipe “Féach Sonraí” i gcoinne do choinníoll Droichead.

Chun a bheith i dteideal iarratas a dhéanamh ar Droichead ní mór duit tairiscint fostaíochta/conartha a bheith faighte agat ó scoil atá oilte chun próiseas Droichead a sheachadadh. Ní mór don fhostaíocht a bheith i suíomh incháilithe a chomhlíonann nó a sháraíonn an tréimhse ama riachtanach. Ní mór iarratas a dhéanamh chun Droichead a chomhlánú laistigh de chúig lá oibre ó thús a chur le fostaíocht incháilithe.

Sula ndéanann tú iarratas ar Droichead, tá sé riachtanach duit:

1. gTéigh i comhairle le do Phríomhoide agus cinntigh go bhfuil a gceadú faighte agat, agus go bhfuil siad toilteanach tú a éascú tríd an bpróiseas trí bheirt bhaill, ar a laghad, den Fhoireann Tacaíochta Gairmiúla (FTG) oilte dá gcuid féin a chur ar fáil. De rogha air sin, is féidir le do Phríomhoide teagmháil a dhéanamh le Oide, an tseirbhís tacaíochta do mhúinteoirí agus do cheannairí scoile, chun samhail sheachtrach FTG nó samhail idir scoile a shocrú, chun oibriú i gcomhar le chéile chun tacú leat agus meantóireacht a dhéanamh ort le linn do phróiseas Droichead. Is féidir teagmháil a dhéanamh le Oide ag info@oide.ie. Tá sé tábhachtach a thabhairt faoi deara nach féidir leat tús a chur le Droichead go dtí go mbeidh an chéad dá lá dá n-oiliúint FTG críochnaithe le Oide. Ní féidir do phróiseas Droichead a thabhairt chun críche ach amháin nuair a bheidh gach lá riachtanach dá n-oiliúint FTG críochnaithe ag do FTG (i.e., tá siad lánoilte) agus tá tú ag gabháil do gach gníomhaíocht ionductaithe agus foghlama gairmiúla scoilbhunaithe.
2. **Alt 2 den doiciméad Nósanna Imeachta agus Critéir um Chleachtadh Gairmiúil Iarcháilíochta** a léamh agus a thuiscint ionas go mbeidh tú go hiomlán ar an eolas faoin bpróiseas Droichead agus faoin méid is gá duit a dhéanamh chun é a chur i gcrích. Is féidir an doiciméad sin a fháil ag www.teachingcouncil.ie.
3. Léigh na **Socruithe Idirthréimhseacha**, a fhoilsítear gach bliain agus ina leagtar amach solúbthacht a tugadh isteach chun tacú leis an bpróiseas do mhúinteoirí, scoileanna agus FTG. Is féidir an doiciméad sin a fháil ag www.teachingcouncil.ie.

A luaithe is a ghlacfar leat ar an bpróiseas Droichead, gheobhaidh tú ríomhphost deimhnithe ón gComhairle Mhúinteoireachta ina mbeidh do dháta tosaigh Droichead san áireamh. **Ní chóir duit tús a chur le do phróiseas Droichead go dtí go bhfaighidh tú an ríomhphost seo.** Tá cóip den ríomhphost deimhnithe ag teastáil ó do FTG chun tús a chur leis an bpróiseas. Beidh cóip ag teastáil ó Oide freisin chun freastal ar chnuaschruinnithe.

An coinníoll Droichead a bhaint den chlárú

Nuair a bheidh an dá shnáithe den phróiseas Droichead curtha i gcrích, ní mór duitse agus do gach ball de do FTG Foirm Droichead D ar líne a chomhlánú. Is féidir leat Foirm D Droichead a chomhlánú ar thairseach na Comhairle Múinteoireachta. Chun rochtain a fháil ar an limistéar tairisí, tabhair cuairt ar shuíomh gréasáin na Comhairle Múinteoireachta ag www.teachingcouncil.ie agus roghnaigh an rogha “Logáil isteach / Mo Chlárú”. Nuair atá tú logáilte isteach i do chuntas tairisí, roghnaigh “Mo Choinníollacha” agus ansin an cnaipe “Féach Sonraí” i gcoinne do choinníoll Droichead. Feicfidh tú rogha ansin d’Fhoirm D Droichead a chomhlánú. Nuair a fhaightear í agus má tá gach rud in ord, cuirfidh an Chomhairle deireadh le coinníoll Droichead agus coinníollacha cleachtais ghairmiúil iarcháilíochta eile de réir mar is cuí

Tabhair do d’aire go bhféadfaidh an Chomhairle an fhaisnéis a cuireadh isteach ar an bhFoirm D a fhíorú leis an scoil, le comhaltaí FTG nó le gníomhaireachtaí/comhlachtaí eile.



Doiciméad Tábhachtach: Tugann an doiciméad Socruithe Idirthréimhseacha eolas tábhachtach do mhúinteoirí maidir le solúbthachtaí a tógadh isteach sa phróiseas Droichead. Cuireann an doiciméad sin eolas tábhachtach ar fáil freisin do mhúinteoirí Bunscoile atá ag gabháil do chonarthaí comhroinnte poist nó do chonarthaí páirtaimseartha ar feadh ré na bliana acadúla iomláine. Foilsítear an doiciméad seo roimh an scoilbhliain nua. Féach ar www.teachingcouncil.ie.

Coinníollacha clárúcháin eile

Riachtanas na Gaeilge (ILR) (Bunscoil)

Má chríochnaíonn iarratasóir ar chlárú clár oideachais tosaigh múinteoirí sa bhunoideachas lasmuigh de Phoblacht na hÉireann*, clárófar é/í le coinníoll ar a dtugtar Riachtanas na Gaeilge (ILR).

Chun go mbeidh an coinníoll bainte, ní mór dóibh a n-inniúlacht i múineadh na Gaeilge agus i múineadh raon ábhar curaclaim na bunscoile trí mheán na Gaeilge a léiriú. Tugtar an rogha do mhúinteoirí atá cláraithe le coinníoll ILR a n-inniúlacht sa Ghaeilge a léiriú agus i dteagasc na Gaeilge i mbunscoileanna trí Thriail Inniúlachta nó Tréimhse Oiriúnaithe. Ní mór d'iarratasóirí a roghnaíonn an rogha maidir le Tréimhse Oiriúnaithe tréimhse fostaíochta/socrúcháin 120 lá réamshhocruithe ar a laghad a bheith acu, inar féidir leo a gcumas a léiriú chun an riachtanas seo a chomhlíonadh.

Cuireann Institiúid Oideachais Marino Trialacha Inniúlachta faofa agus Tréimhsí Oiriúnaithe faoi mhaoirseacht ar fáil do mhúinteoirí faoina gclár An Scrúdú le hAghaidh Cáilíochta sa Ghaeilge (S.C.G.) agus an Oiriúnú le hAghaidh Cáilíochta sa Ghaeilge (O.C.G.). Tá tuilleadh eolais ar fáil ó www.ilrweb.ie.

Stair agus Struchtúr Chóras Oideachais na hÉireann (H&S) (Iar-bhunoideachas)

Má chríochnaíonn iarratasóir ar chlárú clár oideachais tosaigh múinteoirí san iar-bhunoideachas lasmuigh de Phoblacht na hÉireann, tá ceanglas orthu Triail Inniúlachta nó Tréimhse Oiriúnaithe i Stair agus Struchtúr Chóras Oideachais na hÉireann (H&S) a chomhlánú agus pas a fháil ina leith. Reáchtálann an Chomhairle Mhúinteoireachta an triail ar líne saor in aisce roinnt uaireanta in aghaidh na bliana.

Soláthraíonn an Chomhairle na doiciméid agus na hábhair staidéir go léir. Is féidir dátaí na scrúduithe agus sonraí maidir le háirithe a fháil ar an leathanach [Scrúdú Staire agus Struchtúr](#) ar ár suíomh gréasáin.

Cáilíocht Oideachais Múinteoirí (TEQ) (Breisoideachas)

Is féidir le hiarratasóir faoi Bhealach 3 (Breisoideachas) a bheith cláraithe leis an gcoinníoll maidir le Cáilíocht Oideachais Múinteoirí (TEQ) mura bhfuil TEQ de chuid na Comhairle Múinteoireachta creidiúnaithe críochnaithe acu. Tugtar clárúcháin coinníollach ar feadh thréimhse trí bliana lena linn nach mór an riachtanas sin a chur i gcrích. Tá liosta de na cláir chreidiúnaithe le fáil ar ár [suíomh gréasáin](#).

Easnamh Cháilíochta (EC) (Bunoideachas & Iar-bhunoideachas)

Is iondúil go gcuirtear an coinníoll clárúcháin do Easnamh Cháilíochta (EC) i bhfeidhm tar éis measúnú cáilíochta a dhéanamh, maidir le múinteoirí a cháiligh lasmuigh de Phoblacht na hÉireann.

Má sainaithníodh easnamh i gcáilíochtaí iarratasóra (cáilíochtaí fochéime nó oideachais múinteoirí) cuirtear na heasnamh sin in iúl don iarratasóir agus cuirtear in iúl dóibh an tréimhse ama ar laistigh di nach mór aghaidh a thabhairt orthu (trí bliana ó dháta an chlárúcháin tosaigh de ghnáth).

Tugtar aghaidh go coitianta ar easnamh cháilíochta trí mhodúl, cúrsa nó scrúdú formheasta (trial inniúlachta), nó tréimhse cleachtais faoi mhaoirseacht (tréimhse oiriúnaithe) a chur i gcrích, b'fhéidir i gcomhar le cúrsa forordaithe staidéir bhreise.

Fianaise ar Choinníollacha Mheasúnaithe Duine Cuí agus Oiriúnacht

Ní mór do gach iarratasóir ar chlárú fianaise a chur ar fáil gur daoine cuí oiriúnacha iad le go nglacfaí leo isteach i gClár na Múinteoirí tríd na bealaí seo a leanas:

- an rannán Measúnú Oiriúnacht Duine den fhoirm iarratais ar chlárú ar líne a chomhlánú, agus
- iarratas a dhéanamh ar nochtadh grinnfhiosrúcháin tríd an gComhairle, agus
- imréiteach póilíní thar lear a sholáthar (más infheidhme).

Tá Painéal Measúnaithe Duine Cuí agus Oiriúnach freagrach as measúnuithe duine cuí agus oiriúnach a dhéanamh. Chomh maith leis an méid atá thuas, féadfaidh an Painéal tuilleadh fianaise a iarraidh freisin chun a chinneadh gur duine cuí oiriúnach ata san iarratasóir lena lígean isteach sa Chlár. Féadfaidh an Painéal, ar bhreithniú a dhéanamh ar an bhfianaise a chuirfidh an t-iarratasóir ar fáil, a chinneadh clárú a dheonú faoi réir coinníollacha.

* (Cé is moite de chéimithe Theastas Iarchéime san Oideachas (PGCE) trí mheán na Gaeilge, nó céimithe an chúrsa acadúil ceithre bliana sa Ghaeilge i gColáiste Mhuire, Béal Feirste)

Bealach 5 - Múinteoirí faoi oiliúint

Rinne an tAire Oideachais, in éineacht le Cathaoirleach agus Stiúrthóir na Comhairle Múinteoireachta, leasú ar Rialacháin Chlárúcháin na Comhairle Múinteoireachta a fhaomhadh agus a shíniú ina dhlí i mí na Nollag 2021. Cuireann an leasú seo ar chumas múinteoirí faoi oiliúint a bhfuil an chéad dá bhliain de cháilíocht Oideachais Tosaigh Múinteoirí (bunoideachais agus iar-bhunscoile) creidiúnaithe curtha i gcrích acu in Éirinn iarratas a dhéanamh ar chlárú leis an gComhairle Mhúinteoireachta faoi Bhealach 5 – Múinteoirí faoi Oiliúint.

Tá clárú faoi Bhealach 5 faoi réir na gceithre choinníoll seo a leanas:

1. Beidh ort fanacht i do mhac léinn cláraithe ar an gclár creidiúnaithe in oideachas múinteoirí ar ina leith a rinne tú iarratas ar chlárú leis an gComhairle Mhúinteoireachta go dtí go mbeidh an clár sin críochnaithe go rathúil.
2. Ní féidir leat tabhairt faoi mhúinteoireacht ach amháin ar bhonn ionadach go dtí go mbeidh an clár creidiúnaithe in oideachas múinteoirí curtha i gcrích go rathúil ar ina leith a bhí tú cláraithe leis an gComhairle Mhúinteoireachta.
3. Ní mór duit páirt iomlán a ghlacadh sa chlár creidiúnaithe in oideachas múinteoirí go dtí go mbeidh an clár sin curtha i gcrích go rathúil agat.
4. Ní mór duit cleachtas gairmiúil maoirsithe mar atá leagtha síos ag an gComhairle a chur i gcrích laistigh de thréimhse trí bliana ón dáta ar cuireadh an clár creidiúnaithe in oideachas múinteoirí i gcrích go rathúil.

Is féidir clárú coinníollach a dheonú ar feadh 1, 2 nó 3 bliana ag brath ar do bhliain staidéir agus ar fhad na cáilíochta. Ní féidir clárú faoi Bhealach 5 ach amháin nuair a fhanann tú i do mhac léinn ar cháilíocht chreidiúnaithe bunscoile/iar-bhunscoile.

Nuair a chríochnaíonn tú do cháilíocht oideachais múinteoirí bunscoile nó iar-bhunscoile, tá sé thar a bheith tábhachtach go gcomhlánóidh tú d'iarratas MNC go pras chun do chlárúcháin a chothabháil agus chun a chinntiú go bhfuil tú cláraithe mar mhúinteoir cáilithe faoi Bhealach 1 - Bunscoil nó faoi Bhealach 2 - Iar-bhunscoil. Nuair a chláraíonn tú faoi Bhealach 1 - Bunscoil nó faoi Bhealach 2 - Iar-bhunscoil, is féidir leat iarratas a dhéanamh ansin chun Droichead a chomhlánú, próiseas comhtháite ionduchtúcháin ghairmiúil na Comhairle.

Nuair a chláraíonn tú faoi Bhealach 1 - Bunscoil nó faoi Bhealach 2 - Iar-bhunscoil, is féidir leat iarratas a dhéanamh ansin chun Droichead a chomhlánú, próiseas comhtháite ionduchtúcháin ghairmiúil na Comhairle.



Achomharc a dhéanamh ar choinníoll clárúcháin

Sa chás go bhfuil coinníollacha curtha i bhfeidhm ag Painéal na gCáilíochtaí nó ag an bPainéal Measúnaithe Duine Cuí agus Oiriúnach, féadfaidh an múinteoir athbhreithniú ar chinneadh na Comhairle a iarraidh laistigh de 21 lá ó dháta an chinnidh sin. Féach ar an [bPróiseas Athbhreithnithe Clárúcháin atá ar fáil ar \[www.teachingcouncil.ie\]\(http://www.teachingcouncil.ie\)](#).

Sa chás nach n-athraíonn athbhreithniú den sórt sin cinneadh na Comhairle coinníollacha a chur i bhfeidhm, féadfaidh iarratasóir iarratas a dhéanamh chuig an Ard-Chúirt chun an cinneadh chun múinteoir a chlárú le coinníollacha clárúcháin faoi Alt 31(8) d'Achtanna na Comhairle Múinteoireachta a neamhniú.

Dátaí éaga ar choinníollacha

Cé go ndeonaítear clárú ar feadh bliain amháin, de ghnáth cuirtear coinníollacha i gceangal leis seo ar feadh uastréimhse trí bliana ag an gcéad chlárúcháin. Tugann sé seo dóthain ama don mhúinteoir aghaidh a thabhairt ar na coinníollacha aitheanta.

Mura dtéitear i ngleic go sásúil le coinníollacha laistigh den tréimhse shainithe, d'fhéadfadh sé go rachadh an clárú i léig. Mar mhalairt air sin, is féidir le múinteoir síneadh a iarraidh má tá cúinsí maolaitheacha ann.

Iarratas ar shíneadh a chur le tréimhse chlárúcháin choinníollaigh

Mura bhfuil múinteoir cláraithe in ann na riachtanais a bhaineann le coinníoll clárúcháin a chomhlíonadh laistigh den tréimhse a cheadaítear, is féidir leis an múinteoir iarratas a dhéanamh chuig an gComhairle ar shíneadh ama. Tá faisnéis maidir le clárúcháin coinníollach agus maidir le hiarratas ar shíneadh a chur isteach le fáil ar shuíomh gréasáin na Comhairle Múinteoireachta ag www.teachingcouncil.ie. Beidh ar an múinteoir achoimre a dhéanamh ar na deacrachtaí agus/nó na cúinsí maolaitheacha atá ag cur bac ar bhearta riachtanacha a chur i gcrích. Breithneoidh an Chomhairle iarrataí den sórt sin trí thagairt a dhéanamh don choinníoll clárúcháin, don dul chun cinn atá déanta go dtí seo maidir le ceanglais an choinníll a chomhlíonadh, agus don obair atá fós le cur i gcrích.

Déantar gach iarratas ar shíneadh a mheas ar a fhiúntas féin.

Ba cheart iarratais ar fhadú a dhéanamh ar a laghad sé mhí roimh dháta éaga an choinníll, ach tráth nach déanaí ná sé mhí. Ní mór do mhúinteoirí atá ag iarraidh iarratas ar shíneadh ama a chur isteach é sin a dhéanamh ar líne trí logáil isteach ina gcuntas Clárúcháin. Beidh fianaise dhoiciméadach ag teastáil chun tacú le hiarratas ar shíneadh ama.

Cliseadh ar choinníoll clárúcháin a chomhlíonadh

Tá sé de fhreagracht ar mhúinteoir atá cláraithe le coinníollacha a chur in iúl don Chomhairle go bhfuil riachtanais an choinníll comhlíonta roimh an dáta éaga. Tá sé tábhachtach a thabhairt faoi deara nach mbeidh múinteoir in ann a chlárúcháin a athnuachan go dtí go mbeidh aon choinníoll/coinníollacha atá fós gan réiteach faighte acu trí fhianaise ar chríochnú nó iarratas ar shíneadh ama a chur isteach. Má iarrtar iarratas ar shíneadh, ní mheasfar athnuachan an chlárúcháin a bheith bailí go dtí go mbeidh an t-iarratas formheasta ag an gComhairle, féach leathanach 13 den lámhleabhar seo le haghaidh faisnéise faoi Athnuachana.

Sa chás go dteipeann ar mhúinteoir cláraithe na riachtanais a bhaineann le coinníoll clárúcháin a chomhlíonadh laistigh den tréimhse shonraithe, agus nár iarr nó nár deonaíodh síneadh ama dóibh, rachaidh a gclárú i léig. Ciallaíonn sé sin nach bhfuil siad cláraithe níos faide agus ní féidir leo tuarastal atá maoinithe ag an Stát a fháil.

Ag filleadh ar an gClár

Má tá clárú múinteora imithe in éag agus gur mian leo iarratas a chur isteach chun dul ar ais sa Chlár, beidh feidhm ag forálacha Alt 31(5) d'Acht na Comhairle Múinteoireachta. Áirítear leis seo, foirm iarratais ar chlárú agus í comhlánaithe go hiomlán a chur isteach, lena n-áirítear measúnú ar dhuine oiriúnach agus cuí, grinnfhiosrúchán an Bhiúró Náisiúnta Grinnfhiosrúcháin, imréiteach póilíní thar lear más gá, tras-scríbhinní cáilíochta (murar cuireadh isteach cheana iad), an táille chlárúcháin agus aon riachtanais chlárúcháin ábhartha eile arna gcinneadh ag an gComhairle.

D'fhéadfadh sé nach ligfí isteach múinteoir atá ag iarraidh dul isteach sa Chlár arís (tar éis nár chomhlíon sé/sí coinníoll clárúcháin), ach amháin má chomhlíontar riachtanais an choinníll/na gcoinníollacha a sonraíodh ar dtús.

I gcásanna ina mbaineann múinteoir atá cláraithe go coinníollach iad féin den Chlár go deonach agus go n-iarrann siad dul ar ais sa Chlár ina dhiaidh sin, d'fhéadfaí cothromaíocht na tréimhse ama a deonaíodh ar dtús a thabhairt don mhúinteoir sin chun riachtanais an choinníll/na gcoinníollacha a chomhlíonadh.

Tá sé tábhachtach a thabhairt faoi deara go mbeidh iarratas ar dhul ar ais sa Chlár faoi réir na bpróiseas agus na nósanna imeachta atá i bhfeidhm tráth an iarratais.

Rochtain a fháil ar mo shonraí clárúcháin

Is féidir le múinteoirí cláraithe logáil isteach, a gcuid sonraí clárúcháin a fheiceáil agus a nuashonrú ar líne. Tugtar [Mo Chlárú](#) ar an áis sin. Beidh ar mhúinteoirí a úsáideann an tseirbhís seo den chéad uair a gcuntas tairsí Mo Chlárú a ghníomhachtú. Is féidir sonraí maidir le cuntas a fháil/a gníomhachtú a fháil ach cliceáil ar Mo Chlárú ar www.teachingcouncil.ie agus cliceáil ar "Cruthaigh Cuntas".

Moltar do mhúinteoirí athbhreithniú a dhéanamh ar a gcuid sonraí clárúcháin agus iad a thabhairt cothrom le dáta nuair is cuí, go háirithe má athraíonn siad seoladh, sonraí teagmhála nó fostaíochta. In Mo Chlárú, is féidir le múinteoir cláraithe:

- iarratas a dhéanamh ar Droichead
- a seoladh comhfhreagrais, a n-uimhir theileafóin/a n-uimhreacha teileafóin agus a seoladh/seoltaí ríomhphoist, a nuashonrú

- a gclárúcháin a athnuachan
- údarú a thabhairt do phámháistir a gcáilíochtaí agus a sonraí clárúcháin a fheiceáil ar líne
- a sonraí fostaíochta a nuashonrú (scoil, cineál na fostaíochta)
- Deimhniú Clárúcháin a phriontáil
- glacadh/ gan glacadh le ríomhphoist faisnéise na Comhairle Múinteoireachta
- Faigh rochtain saor in aisce ar an bpacáiste Foinse Oideachais (EBSCO). Is bailiúchán irisí é EBSCO, rogha ríomhleabhar, agus acmhainní taighde breise i réimse an oideachais.

Rochtain ag an bpobal ar an gClár

Éilíonn na hAchtanna um Chomhairle Mhúinteoireachta ar an gComhairle Clár na Múinteoirí a fhoilsiú, agus tá cinneadh déanta ag an gComhairle go bhfuil an fhoirm is inrochtana ar líne. Chuige sin, tá feidhm '[Cuardaigh an Clár](#)' curtha ar fáil ag an gComhairle agus tá sí ar fáil ó leathanach baile shuíomh gréasáin na Comhairle.

Ligeann an áis seo do bhaill den phobal a fháil amach an bhfuil múinteoir cláraithe trí chuardach a dhéanamh de réir ainm nó uimhir chlárúcháin. Tá an t-eolas a chuirtear ar fáil maidir le múinteoir cláraithe leagtha amach thíos agus tá sé i gcomhréir le reachtaíocht agus riachtanais an Rialacháin Ghinearálta um Chosaint Sonraí (RGCS), mar a bhaineann sé le múinteoir go hiomlán ina gcumas gairmiúil:

- céadainm
- sloinne
- uimhir chlárúcháin
- stádas clárúcháin
- cineál de choinníollacha clárúcháin ar bith
- bealach clárúcháin
- an scoil ina bhfuil an múinteoir fostaithe (mar a cuireadh in iúl le déanaí), agus
- dáta clárúcháin.

Tús a chur le do ghairm múinteoireachta in Éirinn inniu — ba mhaith linn cloisteáil faoi do thaithí!

Rinne an Chomhairle Mhúinteoireachta agus an Roinn Oideachais staidéar suntasach taighde a choimisiúnú ar theagasc in Éirinn a bhfuil sé mar aidhm aige a chinntiú go bhfuil an tús is fearr is féidir ag múinteoirí dá ngairmeacha beatha. Turais Ghairmiúla Múinteoirí: Déanfaidh An Chéad Deich mBliana fiosrú ar thurais ghairmiúla múinteoirí tosaithe, agus ar na príomhthionchair phearsanta, oideachais, ghairmiúla agus shistéamacha a shainíonn agus a mhúnlaíonn a ngairmeacha beatha agus a gcleachtas luath. Beidh an taighde dírithe go príomha ar thaithí agus peirspictíochtaí múinteoirí tosaigh ar na luathbhlianta laistigh den ghairm, lena n-áirítear iad siúd a bhaineann le hoideachas tosaigh múinteoirí, ionduchtú agus foghlaim ghairmiúil leanúnach. Roinnfear na torthaí de réir mar a thagann siad chun cinn thar thréimhse seacht mbliana an tionscadail, agus beidh siad seo mar bhonn eolais do bheartas na Roinne agus na Comhairle Mhúinteoireachta sna réimsí seo agus réimsí eile, chun a chinntiú go mbeidh an tús is fearr is féidir ag múinteoirí dá ngairmeacha beatha.

Cuirfear tuilleadh sonraí ar fáil trí shuíomh Gréasáin na Comhairle Mhúinteoireachta, ríomhirisí, na meáin shóisialta agus bealaí eile.

Grinnfhiosrúchán

Is ceanglas é faoi na hAchtanna um an mBiúró Náisiúnta Grinnfhiosrúcháin (Leanaí agus Daoine Soghonta) 2012 go 2016 (Acht BNG) go ndéanfaidh an Biúró Náisiúnta Grinnfhiosrúcháin (BNG) grinnfhiosrúchán ar dhaoine a oibríonn le leanaí agus le daoine soghonta.

Is í an Chomhairle Mhúinteoireachta an comhlacht údaraithe chun grinnfhiosrúchán a riar do mhúinteoirí i bPoblacht na hÉireann. Déanann an Chomhairle idirchaidreamh leis an BNG thar ceann múinteoirí agus tugann sí rochtain do mhúinteoirí ar a nochtadh grinnfhiosrúcháin.

Soláthraíonn an BNG (torthaí an ghrinnfhiosrúcháin) nochtadh grinnfhiosrúcháin don gComhairle ina leagtar amach sonraí taifid choiriúil (más ann dó) a bhaineann leis an duine atá á ngrinnfhiosrú. D'fhéadfadh sé freisin ráiteas eolais shonraithe a sholáthar (más ann dó), ar chinn Príomhoifigeach an Bhiúró ina leith a nochtadh.

Chomh maith le grinnfhiosrúchán a dhéanamh i leith clárúcháin tosaigh, déanann an Chomhairle ath-ghrinnfhiosrúchán do na múinteoirí cláraithe uile. Gheobhaidh múinteoirí a bhfuil nochtadh BNG acu atá trí bliana d'aois nó níos sine iarratas ar ath-ghrinnfhiosrúchán. Ní mór do mhúinteoirí cláraithe, a bhfuil fógra ath-ghrinnfhiosrúcháin faighte acu an fógra a chomhlíonadh ionas go mbeidh siad in ann a gclárúchán a athnuachan nuair atá sé dlite. Déanann an Chomhairle grinnfhiosrúchán ar mhúinteoirí cláraithe chun críocha fostaíochta ar son scoileanna/fostóirí le toiliú an mhúinteora.

Ní mór don Chomhairle Mhúinteoireachta measúnú a dhéanamh ar an nochtadh grinnfhiosrúcháin maidir le hoiriúnacht do chlárúchán nó d'athnuachan clárúcháin.

Ní mór do scoileanna nochtadh grinnfhiosrúcháin múinteora a fháil, a fheiceáil agus a mheasúnú sula dtosaíonn an múinteoir ag obair.

Comhroinneann múinteoirí a nochtadh grinnfhiosrúcháin le fostóirí agus le fostóirí féideartha trína guntas Mo Chlárú.

Tá na riachtanais ghrinnfhiosrúcháin do mhúinteoirí atá ag glacadh le fostaíocht nua leagtha amach in Alt 5 de Chiorclán 31/2016 na Roinne Oideachais agus Scileanna.

eTá tuilleadh eolais ar fáil ar an rannán grinnfhiosrúcháin ar www.teachingcouncil.ie.

Treoir do mhúinteoirí cláraithe faoi úsáid na meán sóisialta agus na cumarsáide leictreonaí

Tá an treoir seo dírithe ar chabhrú le múinteoirí a úsáideann cumarsáid leictreonach agus na meán sóisialta, ar chontúirt a d'fhéadfadh a bheith ann a aithint, ar chomhairle a chur ar fáil maidir le conas na gaistí sin a sheachaint agus ar chomhthéacs a sholáthar d'úsáid fhreagrach ghairmiúil na cumarsáide leictreonaí agus na meán sóisialta. Is féidir teacht ar an Treoircháipéis ar shuíomh gréasáin na Comhairle Múinteoireachta www.teachingcouncil.ie.

Caighdeán ghairmiúla

I gcomhthéacs an [Chóid Iompair Ghairmiúil do Mhúinteoirí \(an dara eagrán nuashonraithe 2016\)](#), tá múinteoirí cláraithe freagrach ar bhonn indibhidiúil as a n-iompar agus as a gcleachtas ghairmiúil agus, faoi mar a thuigfeá, as seasamh le cáil a ngairme. Tá sé sin rithábhachtach go háirithe de bharr an iontaoibh atá curtha i múinteoirí laistigh dár bpobail. Mar dhaoine ghairmiúla, tá múinteoirí freagrach as na cinntí agus

na gnímh a dhéanann siad le linn a gcleachtais ghairmiúil. Áirítear leis an sainmhíniú ar mhí-iompar ghairmiúil atá sa chód, mí-iompar le linn ghairm na múinteoirí cláraithe nó lasmuigh de.

Cuireann an [Cód Iompair Ghairmiúil](#) do Múinteoirí (an dara eagrán nuashonraithe 2016) creat ar fáil laistigh de ar féidir le múinteoirí machnamh a dhéanamh ar a n-iompar agus a gcleachtadh. Léiríonn sé na luachanna atá mar bhonn agus mar thaca ag gairm na múinteoireachta agus leagann sé amach na príomhfhreagrachtaí atá lárnach i gcleachtadh na múinteoireachta. Tá seasamh tábhachtach dlíthiúil ag an gCód agus úsáideann an Chomhairle é mar phointe tagartha i bhfeidhmiú a feidhmeanna faoi Chuid 5 d'Acht na Comhairle Múinteoireachta, 2001 (arna leasú) agus í ag déileáil le cúrsaí feidhmiúlachta chun múineadh. Tá gabháil d'iompar atá contrártha leis an gCód ar cheann de roinnt foras faoinar féidir gearán a mheas faoi mhúinteoir cláraithe. Tá sé riachtanach go mbeadh gach múinteoir cláraithe eolach ar an gCód agus go gcloíff leis.

Gearáin i gcoinne múinteoirí cláraithe a imscrúdú (Feidhmiúlacht chun Múineadh)

Ceann de príomhfheidhmeanna na Comhairle Múinteoireachta is ea imscrúdú a dhéanamh ar ghearáin a bhaineann le feidhmiúlacht múinteoirí cláraithe chun múineadh. Ligeann Cuid 5 d'Acht na Comhairle Múinteoireachta, 2001 (arna leasú) don Chomhairle gearáin a fháil faoi mhúinteoirí cláraithe agus imscrúduithe a dhéanamh agus fiosrúcháin a dhéanamh, nuair a mheastar é a bheith cuí.

Féadfaidh aon duine lena n-áirítear baill den phobal, fostóirí, múinteoirí eile agus an Chomhairle gearán a dhéanamh faoi mhúinteoir cláraithe má bhaineann sé le feidhmiúlacht an mhúinteora chun múineadh. Má dhéantar gearán faoi mhúinteoir cláraithe, tá sé d'údarás ag an gComhairle an gearán a imscrúdú, déileáil leis trína nósanna imeachta araíonachta trí fhiosrúchán a dhéanamh agus féadfaidh sí smachtbhannaí a fhorchur i gcoinne an mhúinteora atá i gceist. Tá sé seo cosúil le próisis smachta comhlachtaí rialála eile.

De ghnáth, ní athraíonn clárú an mhúinteora nuair a fhaigheann an Chomhairle Mhúinteoireachta gearán. Más gá, áfach, is féidir leis an gComhairle Mhúinteoireachta iarraidh ar an Ard-Chúirt clárú múinteora a chur ar fionraí faoi alt 47 d'Acht na Comhairle Múinteoireachta 2001 (arna leasú) ar feadh tréimhse ama. De ghnáth tharlódh sé seo go dtí go bhfuil an Chomhairle Mhúinteoireachta críochnaithe le gearán a fhiosrú. Is féidir leis an gComhairle an cineál sin d'iarratas a dhéanamh chun na hArd-chuairte má cheapann an Chomhairle gur ar mhaithe leis an bpobal é seo a dhéanamh. Is annamh a dhéantar na hiarratais seo agus ní tharlaíonn siad de ghnáth ach amháin má bhíonn cúis imní mhór ann ó thaobh shábháilteacht an phobail.

Tháinig rialacháin faoi alt 37 d'Acht na Comhairle Múinteoireachta 2001 (arna leasú) i bhfeidhm ar an 11 Bealtaine 2023. Cuireann na rialacháin seo iallach ar fhostóirí an Chomhairle Mhúinteoireachta a chur ar an eolas nuair a bhrítear múinteoir cláraithe as a bpost nó nuair a éiríonn múinteoir as a bpost in imthosca áirithe - le haghaidh tuilleadh eolais a bhaineann le hoibleagáidí fostóirí, féach ar shuíomh gréasáin na Comhairle Múinteoireachta.

Tá tuilleadh eolais lena n-áirítear bileoga maidir le próiseas um feidhmiúlacht chun múineadh le fáil ar an gcuid [Feidhmiúlacht chun Múineadh](#) de shuíomh gréasáin na Comhairle Múinteoireachta.

Athnuachan bhliantúil ar chlárú

Ní mór an clárú a athnuachan go bliantúil agus is riachtanas é do mhúinteoirí chun go n-íocfar iad ó chistí poiblí (Cuid 30). Tá sé de dhualgas ar mhúinteoir a chinntiú go ndéantar a gclárúcháin a athnuachan in am chun a chinntiú nach mbeidh aon drochthionchar ar a dtuarastal.

Is é EUR 65 táille athnuachana clárúcháin na Comhairle. Cuireann an táille seo maoiniú ar fáil d'obair na Comhairle agus a caighdeáin ghairmiúla agus a feidhmeanna rialála á gcomhlíonadh aici.

Gach bliain roimh a ndáta athnuachana, seolfaidh an Chomhairle fógra athnuachana trí ríomhphost chuig múinteoirí. Is seirbhís ar líne é athnuachan clárúcháin a fhaightear trí mo chuntas Clárúcháin.

Eisíonn an Chomhairle Mhúinteoireachta meabhrúcháin athnuachana freisin trí ríomhphost agus teachtaireachtaí téacs. Tá sé de fhreagracht ar an múinteoir a gcuid sonraí teagmhála a nuashonrú trí “Mo Chlárú” chun a chinntiú go sroicheann comhfhreagras tábhachtach athnuachana iad.

Tá an clárú bailí go ceann 12 mhí ó dháta an chlárúcháin. Mura ndéantar an clárú a athnuachan laistigh den tréimhse shonraithe, tá dualgas ar an gComhairle an múinteoir a bhaint den Chlár. Tá sé tábhachtach a thabhairt faoi deara gur féidir múinteoir a bhaint den Chlár ar chúiseanna eile ar nós neamhchomhlíonadh coinníll nó neamhchomhlíonadh riachtanas ath-ghrinnfhiosrúcháin.

AMLÍNE ATHNUACHANA AN CHLÁRÚCHÁIN	
Thart ar seacht seachtaine roimh an dáta athnuachana:	Fógra athnuachana eisithe
Thart ar sheachtain amháin tar éis an dáta athnuachana (mura ndéantar an clárúcháin a athnuachan):	Fógra eisithe ag seachadadh taifeadta don mhúinteoir sin ag cur in iúl go mbainfear iad den Chlár laistigh de mhí amháin mura ndéantar an clárúcháin a athnuachan
Mí amháin tar éis an fógra baint anuas a eisiúint:	Baintear an múinteoir den Chlár (Beidh an próiseas clárúcháin iomlán i bhfeidhm chun é a chur ar ais ar an gClár)

Cuirfidh an Chomhairle Mhúinteoireachta in iúl don phámháistir (An Roinn Oideachais nó an Bord Oideachais agus Oiliúna) nuair atá múinteoir bainte den Chlár.

Ba chóir do mhúinteoirí cláraithe a ndáta athnuachana a thabhairt dá n-aire agus ba chóir dóibh teagmháil a dhéanamh leis an gComhairle mura bhfaigheann siad fógra athnuachana nuair a bheifí ag súil go mbeadh fógra den sórt sin faighte acu de ghnáth.

Faoiseamh ó Cháin Ioncaim

Tá an táille athnuachana clárúcháin ceadaithe ag na Coimisinéirí Ioncaim mar chostas a bhaineann leis an obair chun críocha cánach ioncaim. Is féidir é seo a dhéanamh ach logáil isteach in Mo Chuntas ar www.revenue.ie.

Conas tabhairt faoi athnuachan

Is féidir le múinteoir a gclárúcháin a athnuachan tríd an bhfoirm ar líne a chomhlánú agus an táille a íoc trína [gcuntas Mo Chlárú](http://gcuntas.Mo Chlárú) ar ár suíomh gréasáin.

Tá sé tábhachtach a thabhairt faoi deara nach mbeidh múinteoir in ann a chlárúcháin a athnuachan go dtí go dtabharfar aghaidh ar aon iarratas nó coinníoll/coinníollacha ath-ghrinnfhiosrúcháin a rachaidh in éag laistigh de sé mhí ó dháta athnuachana. Mura ndéantar amhlaidh, rachaidh múinteoir i léig ón gClár, féach leathanach 10 le haghaidh “cliseadh coinníoll clárúcháin a chomhlíonadh”.

Tábhachtach — do shonraí teagmhála a choinneáil cothrom le dáta

Eisíonn an Chomhairle comhfhreagras do gach múinteoir ar bhonn leanúnach. Eisítear comhfhreagras trí ríomhphost, SMS agus tríd an bpost. Baineann an Chomhairle úsáid as teachtaireachtaí téacs chun meabhrúcháin bhreise a fháil, e.g., athnuachan bhliantúil ar chlárúcháin. Ó am go ham, beidh ar an gComhairle comhfhreagras a eisiúint tríd an bpost cláraithe nó trí sheachadadh taifeadta i gcomhréir leis hAcht na Comhairle Múinteoireachta 2001 (arna leasú). Tá sé de fhreagracht ar mhúinteoirí aonair a gclárúcháin a choinneáil agus mar sin tá sé ríthábhachtach go gcoinneoidh siad a sonraí teagmhála cothrom le dáta (i.e., seoladh, ríomhphost agus sonraí fón póca/teileafóin). Is féidir é sin a dhéanamh nuair a logáiltear isteach ar Mo Chlárú ar shuíomh gréasáin na Comhairle Múinteoireachta.

Ós rud é go bhféadfadh an Chomhairle doiciméid thábhachtacha a eisiúint le linn laethanta saoire scoile, tá sé riachtanach go gcuirfidh múinteoir a seoladh baile (nó cónaithe) ar fáil don Chomhairle. Is é an seoladh comhfhreagrais a thugann múinteoir don Chomhairle an seoladh chuig a seolfar fógraí (i.e. litreacha/cumarsáidí cláraithe) i gcomhréir le hAcht na Comhairle Múinteoireachta 2001 (arna leasú).

I gcásanna nach bhfuil múinteoir i láthair ag an seoladh chuig a seoltar comhfhreagras, nó sa chás nach mbailíonn múinteoir comhfhreagras dá leithéid óna n-oifig áitiúil sórtála poist, meastar go bhfuil an litir fós seolta i dtéarmaí dlí, agus seasfaidh an t-ábhar a chuirfear in iúl sa litir sin. Áirítear leis seo comhfhreagras a eisítear maidir le próisis imscrúdaithe agus próisis smachta Chuid 5 um Fheidhmiúlacht chun Múineadh. Ar an gcúis sin, níor cheart gur seoladh scoile nó coláiste an seoladh comhfhreagrais a thugtar.

Did you know?

An Chomhairle
Mhúinteoireachta
The Teaching Council



The Teaching Council provides FREE access to an Online Library for all registered teachers.

Log in to read:

- More than 2,000 full-text journals
- Index and abstracts for 4,000 journals
- Full-text for more than 500 books and monographs

*Research empowers teachers and students to transform teaching and learning**

To access the Online Library, go to www.teachingcouncil.ie and log in via *My Registration* account




CROÍ Research at the
heart of teaching
and learning

Ag coinneáil i dteagmháil

Tá sé tábhachtach go leanfaidh múinteoirí cláraithe de bheith i dteagmháil leis an gComhairle mar a gcomhlacht gairmiúil. Tá roinnt leathanach ar líne ag an gComhairle ar pointí tagartha tábhachtacha iad:



www.teachingcouncil.ie



The Teaching Council



@TeachingCouncil



@teachingcouncil



An Chomhairle Mhúinteoireachta

Ina theannta sin, seolann an Chomhairle nuashonruithe ríomhphoist ar bhonn rialta chuig gach múinteoir cláraithe a bhfuil seoladh ríomhphoist taifeadta acu ar an gClár. Tá tú féin freagrach as a chinntiú go gcoinníonn tú do shonraí cothrom le dáta ar an gClár trí Mo Chlárú.

Coinní

Éascaímid coinní. Sula n-eagróidh an Chomhairle Mhúinteoireachta coinne, scrúdóimid na céimeanna riachtanacha go léir agus scrúdóimid gach bealach chun iarracht a dhéanamh do cheist a réiteach, ar mhaithe le do chuid ama a shábháil.

Chun coinne a dhéanamh:

Fón: +353 1 651 7900

Ríomhphost: info@teachingcouncil.ie

Déan teagmháil linn

Is féidir teagmháil a dhéanamh leis an gComhairle Mhúinteoireachta mar seo a leanas:

Bloc A, Campas Gnó Mhaigh Nuad, Maigh Nuad,
Contae Chill Dara, W23 Y7XO, Éire

Fón +353 1 651 7900

Ríomhphost info@teachingcouncil.ie

www.teachingcouncil.ie

Lean muid ar líne:



Facebook An Chomhairle Mhúinteoireachta



X@TeachingCouncil



Instagram@teachingcouncil




LinkedIn An Chomhairle Mhúinteoireachta

Aguisín 1

Droichead: Treoir Mhearthosaithe (Bunscoil)

Droichead: Treoir Mhearthosaithe



Bunscoil

Ó Mheán Fómhair 2020, is é Droichead an t-aon bhealach ionduchtúcháin do gach MNC bunscoile.

DROICHEAD: AN CREAT IONDUCHTÚCHÁIN GHAIRMIÚIL CHOMHTHÁITE
Conradh/tairiscint fostaíochta de 60 lá ar a laghad i ndiaidh a chéile i gcúinsí incháilithe
Conas Cur Isteach ar Phróiseas Droichead agus é a Chríochnú
1) Cuir iarratas isteach trí thairseach na Comhairle Múinteoireachta ag www.teachingcouncil.ie . Roghnaigh an rogha “Logáil isteach/Mo Chlárú” chun rochtain a fháil ar do chuntas tairisí, agus ansin roghnaigh “Mo Choinníollacha” agus “Féach Sonraí” i gcoinne do choinníoll <i>Droichead</i>
2) Glac páirt i bpróiseas <i>Droichead</i> : Snáithe A: Ionduchtú Scoilbhunaithe - Le tacaíocht ón bhFoireann Tacaíochta Ghairmiúil (FTG) AGUS Snáithe B: Gníomhaíochtaí Foghlama Gairmiúla Breise - Freastail ar Chnuaschruinniú MNC amháin in aghaidh an téarma (féach Nóta 8 thíos) - Tabhair faoi Ghníomhaíocht Foghlama Gairmiúla amháin eile ar a laghad a roghnaítear i gcomhairle le FTG
3) Cuir i gcrích trí Fhoirm <i>Droichead D</i> ar líne a chomhlánú ar shuíomh tairisí na Comhairle Múinteoireachta ar www.teachingcouncil.ie . Roghnaigh “Logáil isteach/Mo Chlárú” chun rochtain a fháil ar do chuntas tairisí, agus ansin roghnaigh “Mo Choinníollacha”; ansin an cnaipe “Féach Sonraí” in aghaidh do choinníoll <i>Droichead</i> . Roghnaigh “Foirm <i>Droichead D</i> ” a chomhlánú

Pointí le Tabhairt Faoi Deara

- Sula ndéanann tú iarratas ar *Droichead* ní mór duit;
 - a dhearbhu go bhfuil tú i dtimpeallacht incháilithe agus go gcomhlíonann tú an íostréimhse le haghaidh an phróisis.
 - a dhearbhu go bhfuil do scoil sásta an bealach a réiteach duit tríd an bpróiseas trí Fhoireann Tacaíochta Gairmiúla (FTG) a shannadh duit a oibreoidh i gcomhar leat d'fhonn tacú leat agus meantóireacht a dhéanamh ort le linn do phróisis ionduchtúcháin.
 - Alt 2 den doiciméad Nósanna Imeachta agus Critéir um Chleachtadh Gairmiúil Iarcháilíochta a léamh agus a thuiscint ionas go mbeidh tú go hiomlán ar an eolas faoin bpróiseas *Droichead* agus faoin méid is gá duit a dhéanamh chun é a chur i gcrích. Is féidir teacht ar an gcáipéis sin faoi “Fhoilseacháin” ag www.teachingcouncil.ie
- Maidir le d'Fhoireann Tacaíochta Ghairmiúil (FTG), ní mór go mbeadh ar a laghad beirt mhúinteoirí a chríochnaigh ar a laghad dhá lá oiliúna FTG sular féidir leo tús a chur leis an bpróiseas leat.
- Ní féidir leat próiseas *Droichead* a chur i gcrích go dtí go mbeidh gach ceann de na ceithre lá atá san oiliúint FTG curtha i gcrích ag gach ball den FTG.
- Má tá breis eolais uait faoi phostroinnt nó faoi chonarthaí páirtaimseartha, féach le do thoil ar Shocruithe Eatramhacha i dtaca le Coinníollacha maidir le Cleachtas Gairmiúil Iarcháilíochta atá le fáil ar shuíomh gréasáin na Comhairle.
- Tar éis iarratas a dhéanamh ar *Droichead* gheobhaidh tú ríomhphost agus admháil ann go bhfuarthas d'iarratas. Agus áit faighte agat ar phróiseas *Droichead*, gheobhaidh tú ríomhphost deimhnithe.
- Beidh naisc le heolas agus le cáipéisíocht thábhachtach faoi iamh sa ríomhphost deimhnithe. Tugann sé cead duit tabhairt faoin bpróiseas agus beidh do dháta tosaithe istigh ann freisin.
- Ní féidir tabhairt faoi phróiseas *Droichead* go dtí go bhfaigheann tú an ríomhphost deimhnithe ón gComhairle Mhúinteoireachta.
- Beidh cóip den ríomhphost deimhnithe de dhíth ó do FTG sular féidir leat tabhairt faoi phróiseas *Droichead*.
- Beidh cóip den ríomhphost deimhnithe de dhíth chun freastal ar na Cnuaschruinnithe.


Is coinníoll cleachtas ghairmiúil iarcháilíochta é *Droichead* atá curtha i bhfeidhm ar MNCanna bunscoile. Tá tuilleadh eolais maidir leis na coinníollacha sin ar fáil laistigh de na Nósanna Imeachta agus Critéir um Chleachtadh Gairmiúil Iarcháilíochta ar shuíomh gréasáin na Comhairle ag www.teachingcouncil.ie.

An Chomhairle
Mhúinteoireachta
The Teaching Council



Droichead: Treoir Mhearthosaithe (Iar-Bhunscoile)

Droichead: Treoir Mhearthosaithe



Iar-bhunscoil

Ó Mheán Fómhair 2020, is é **Droichead** an t-aon bhealach ionduchtúcháin do gach MNC Iar-bhunscoile.

DROICHEAD: AN CREAT IONDUCHTÚCHÁIN GHAIRMIÚIL CHOMHTHÁITE
Conradh/tairiscint fostaíochta de 200 uair an chloig ar a laghad i ndiaidh a chéile i gcúinsí incháilithe in aon iar-bhunscoil amháin
Conas Cur Isteach ar Phróiseas Droichead agus é a Chríochnú
1) Cuir iarratas isteach trí thairseach na Comhairle Múinteoireachta ag www.teachingcouncil.ie . Roghnaigh an rogha “Logáil isteach/Mo Chlárú” chun rochtain a fháil ar do chuntas tairisí, agus ansin roghnaigh “Mo Choinníollacha” agus “Féach Sonraí” i gcoinne do choinníoll <i>Droichead</i>
2) Glac páirt i bpróiseas <i>Droichead</i> : Snáithe A: Ionduchtú Scoilbhunaithe - Le tacaíocht ón bhFoireann Tacaíochta Ghairmiúil (FTG) AGUS Snáithe B: Gníomhaíochtaí Foghlama Gairmiúla Breise - Freastail ar Chnuaschruinniú MNC amháin in aghaidh an téarma (féach Nóta 8 thíos) - Tabhair faoi Ghníomhaíocht Foghlama Gairmiúla amháin eile ar a laghad a roghnaítear i gcomhairle le FTG
3) Cuir i gcrích trí Fhoirm <i>Droichead D</i> ar líne a chomhlánú ar shuíomh tairisí na Comhairle Múinteoireachta ar www.teachingcouncil.ie . Roghnaigh “Logáil isteach/Mo Chlárú” chun rochtain a fháil ar do chuntas tairisí, agus ansin roghnaigh “Mo Choinníollacha”; ansin an cnaipe “Féach Sonraí” in aghaidh do choinníoll <i>Droichead</i> . Roghnaigh “Foirm <i>Droichead D</i> ” a chomhlánú

Pointí le Tabhairt Faoi Deara

- Sula ndéanann tú iarratas ar *Droichead* ní mór duit;
 - a dhearbhu go bhfuil tú i dtimpeallacht incháilithe agus go gcomhlíonann tú an íostréimhse le haghaidh an phróisis.
 - a dhearbhu go bhfuil do scoil sásta an bealach a réiteach duit tríd an bpróiseas trí Fhoireann Tacaíochta Gairmiúla (FTG) a shannadh duit a oibreoidh i gcomhar leat d'fhonn tacú leat agus meantóireacht a dhéanamh ort le linn do phróisis ionduchtúcháin.
 - Alt 2 den doiciméad Nósanna Imeachta agus Critéir um Chleachtadh Gairmiúil Iarcháilíochta a léamh agus a thuiscint ionas go mbeidh tú go hiomlán ar an eolas faoin bpróiseas *Droichead* agus faoin méid is gá duit a dhéanamh chun é a chur i gcrích. Is féidir teacht ar an gcáipéis sin faoi “Fhoilseacháin” ag www.teachingcouncil.ie
- Maidir le d’Fhoireann Tacaíochta Ghairmiúil (FTG), ní mór go mbeadh ar a laghad beirt mhúinteoirí a chríochnaigh ar a laghad dhá lá oiliúna FTG sular féidir leo tús a chur leis an bpróiseas leat.
- Ní féidir críoch a chuir le do phróiseas *Droichead* ach amháin nuair a bheidh gach ball de do FTG críochnaithe gach lá is gá dá n-oiliúint FTG, (i.e., tá do hoiliúint curtha i gcrích).
- Tar éis iarratas a dhéanamh ar *Droichead* gheobhaidh tú ríomhphost agus admháil ann go bhfuarthas d’iarratas. Agus áit faighte agat ar phróiseas *Droichead*, gheobhaidh tú ríomhphost deimhnithe.
- Beidh naisc le heolas agus le cáipéisíocht thábhachtach faoi iamh sa ríomhphost deimhnithe. Tugann sé cead duit tabhairt faoin bpróiseas agus beidh do dháta tosaithe istigh ann freisin.
- Ní féidir tabhairt faoi phróiseas *Droichead* go dtí go bhfaigheann tú an ríomhphost deimhnithe ón gComhairle Mhúinteoireachta.
- Beidh cóip den ríomhphost deimhnithe de dhíth ó do FTG sular féidir leat tabhairt faoi phróiseas *Droichead*.
- Beidh cóip den ríomhphost deimhnithe de dhíth chun freastal ar na Cnuaschruinnithe.

Is coinníoll cleachtas ghairmiúil iarcháilíochta é *Droichead* atá curtha i bhfeidhm ar MNCanna bunscoile. Tá tuilleadh eolais maidir leis na coinníollacha sin ar fáil laistigh de na Nósanna Imeachta agus Critéir um Chleachtadh Gairmiúil Iarcháilithe ar shuíomh gréasáin na Comhairle ag www.teachingcouncil.ie.

An Chomhairle
Mhúinteoireachta
The Teaching Council

Aguisín 2

An dul chun cinn atá déanta maidir le rialáil faoi stiúir ghairmiúil a fhorbairt

Tá obair na Comhairle Múinteoireachta ar son ghairm na múinteoireachta, ar mhaithe leis an bpobal. Tá sé bunaithe ar luachanna na rialála gairmiúla, na freagrachta gairmiúla comhroinnte agus na muiníne gairmiúla comhchoitinne. Tá sé mar aidhm ag an gComhairle ardchaighdeán teagaisc a chur chun cinn, ar mhaithe le foghlaiméirí agus múinteoirí agus iad ag iarraidh na heispéiris foghlama is fearr is féidir a chur ar fáil dá ndaltaí.

<p>Clár na Múinteoirí</p>	<p>Tá an Chomhairle Mhúinteoireachta freagrach go dlíthiúil as clár múinteoirí in Éirinn a bhunú agus a chothabháil. Tá sonraí ar fáil sa Chlár faoi láthair maidir le beagnach 127,000 múinteoir cláraithe.</p> <p>Tá clárú mar bhunchloch d'obair na Comhairle Múinteoireachta chun caighdeán ghairmiúla a chur chun cinn, a chinntiú nach ligtear isteach sa ghairm ach amháin iad siúd a bhfuil cáilíochtaí oiriúnacha múinteoireachta acu agus a bhfuil carachtar oiriúnach acu. Tugann sé aitheantas reachtúil ar a stádas gairmiúil mar mhúinteoir ar fáil do mhúinteoirí.</p> <p>Is gá do mhúinteoirí a bheith cláraithe leis an gComhairle Mhúinteoireachta chun go n-íocfar iad ó chistí an Stáit.</p>
<p>Dul isteach i ngairm na múinteoireachta a rialáil</p>	<p>Ciallaíonn foilsiú rialacháin chlárúcháin na Comhairle Múinteoireachta go bhfuil aonfhoirmeacht sna riachtanais maidir le dul isteach sa ghairm.</p> <p>Mar shampla, éilíonn na rialacháin nach mór do gach múinteoir ar mian leo a bheith cláraithe cáilíocht aitheanta in oideachas tosaigh múinteoirí a bheith acu. Go dtí mí Aibreáin 2013, ní raibh sé sin riachtanach i ngach earnáil. Thug an Chomhairle rialacháin nua isteach an 25 Iúil 2016 atá ar fáil le feiceáil ar www.teachingcouncil.ie. Tá athbhreithniú á dhéanamh ar na Rialacháin seo faoi láthair.</p>
<p>Measúnú ar cháilíochtaí</p>	<p>Tá sé tábhachtach go mbainfidh gach múinteoir atá cláraithe i bPoblacht na hÉireann na caighdeán ghairmiúla chéanna amach. Déantar measúnú ar cháilíochtaí gach iarratasóra ar chlárú, lena n-áirítear iarratais uathu siúd a cháilíonn lasmuigh de Phoblacht na hÉireann, lena chinntiú go gcomhlíonann siad na caighdeán atá leagtha síos ag an gComhairle Mhúinteoireachta.</p> <p>I gcomhréir le Treoir 2005/36/CE ón Aontas Eorpach (arna leasú), tá daoine a cháiligh mar mhúinteoirí i mBallstát amháin den Aontas i dteideal aitheantas a fháil dá gcáilíochtaí i ngach Ballstát eile. Féadfar an t-aitheantas sin a thabhairt faoi réir coinníollacha, lena n-áirítear aon easnaimh a shlánú. Is í an Chomhairle Mhúinteoireachta an t-údarás inniúil in Éirinn chun measúnú a dhéanamh ar iarratais ó dhaoine a cháiligh mar mhúinteoirí i dtíortha eile AE/LEE.</p>
<p>Cód iompair ghairmiúil a fhoilsiú agus imscrúduithe agus fiosrúcháin maidir le feidhmiúlacht chun múineadh a sheoladh</p>	<p>Tá an Chomhairle Mhúinteoireachta freagrach as caighdeán na múinteoireachta in Éirinn a chothabháil agus a fheabhsú trí chaighdeán ghairmiúla a chur chun cinn agus a rialú.</p> <p>Leagtar amach sa Chód Iompair Ghairmiúil do Mhúinteoirí (an dara eagrán nuashonraithe 2016) na caighdeán eolais, scile, inniúlachta agus iompair ghairmiúil a bhfuiltear ag súil leo ó mhúinteoirí cláraithe. Ar an iomlán, tá 33 caighdeán dá leithéid ann, a léiríonn castacht agus éagsúlacht an teagaisc, agus a chluadaíonn réimsí amhail cumarsáid agus caidrimh, comhionannas agus cuimsiú, comhlíonadh polasaithe náisiúnta agus scoile, forbairt ghairmiúil agus leas na mac léinn. Tá ceithre bhunluach — meas, cúram, ionracas agus iontaoibh mar bhonn agus mar thaca ag na caighdeán. Sa Chód Iompair Ghairmiúil do Mhúinteoirí tá an sainmhíniú ar mhí-iompar gairmiúil i gcomhthéacs na feidhmiúlachta chun múineadh.</p> <p>Ó 2016 i leith, tá an Chomhairle ag fiosrú gearán agus ag déanamh fiosrúcháin maidir le feidhmiúlacht chun múineadh maidir le múinteoirí cláraithe, áit ar cuireadh smachtbhannaí i bhfeidhm, chomh fada le baint de Chlár na Múinteoirí, agus an rogha sin san áireamh. Thug sé seo deis don Chomhairle Mhúinteoireachta a ról leasa phoiblí agus a sainchúram maidir le cosaint leanaí a chomhlíonadh, agus í mar aidhm caighdeán ghairmiúla na múinteoireachta a chur chun cinn agus muinín an phobail sa ghairm agus i rialáil na gairme a mhéadú.</p>

<p>Polasá a leagan síos maidir le hoideachas múinteoirí</p>	<p>Bunphrionsabal d’obair na Comhairle Múinteoireachta is ea ardchaighdeáin a chur chun cinn in oideachas múinteoirí.</p> <p>Tá go leor feidhmeanna ag an gComhairle maidir le hoideachas múinteoirí. Baineann na feidhmeanna sin le gairm iomlán na múinteoireachta — ó chaighdeáin a fhorbairt le haghaidh cláir oideachais tosaigh do mhúinteoirí; creidiúnú na gclár sin; múinteoirí nuacháilithe a ionduchtú sa ghairm; agus foghlaim ghairmiúil leanúnach múinteoirí a chur chun cinn le linn a ngairmeacha beatha.</p> <p>Tá na feidhmeanna sin dírithe ar a chinntiú go mbeidh an t-eolas, na scileanna agus na hinniúlachtaí ag múinteoirí le linn a ngairmréime chun cabhrú le foghlaimoírí barr a gcumais a bhaint amach.</p> <p>Leagtar amach i mBeartas na Comhairle maidir le Leanúntas Oideachais Múinteoirí beartas na Comhairle maidir le hoideachas tosaigh múinteoirí, ionduchtú agus foghlaim ghairmiúil leanúnach. Is doiciméad suntasach é seo toisc go bhfuil an cur chuige maidir le hoideachas múinteoirí ilroinnte go stairiúil, agus ní leor na naisc idir na céimeanna éagsúla de ghairm an mhúinteora. Beartas na Comhairle maidir le hionduchtú: Foilsíodh Droichead-An Creat Comhtháite Ionduchtúcháin Ghairmiúil in 2017. Críochnaíodh céim fáis Droichead in 2021 agus is é Droichead an bealach ionduchtúcháin do gach MNC.</p> <p>Tá an Chomhairle Mhúinteoireachta tiomanta d’athbhreithniú tréimhsiúil beartais lena chinntiú go bhfuil an tacaíocht is fearr is féidir ar fáil do MNCanna chun freastal ar a gcuid riachtanas, agus chun an toradh is fearr is féidir a chinntiú dá gcuid mac léinn. Ó 2023-2025, déanfaidh an Chomhairle Mhúinteoireachta athbhreithniú ar Droichead. Is é cuspóir an athbhreithnithe ná le cinntiú go leanann Droichead a bheith éifeachtach ag tacú le riachtanais na MNCanna agus a mac léinn.</p>
<p>Cláir oideachais tosaigh múinteoirí a chreidiúnú</p>	<p>Déanann an Chomhairle Mhúinteoireachta cláir oideachais tosaigh múinteoirí (bunoideachas, iar-bhunoideachas agus breisoideachas) a athbhreithniú agus a chreidiúnú chun a chinntiú go bhfuil na cláir ar ardchaighdeán mar a bheadh oiriúnach d’ullmhú daltaí chun dul isteach i ngairm na múinteoireachta.</p> <p>In 2011, d’fhoilsigh an Chomhairle Mhúinteoireachta an chéad eagrán de chaighdeáin do chlár ITE, Oideachas Tosaigh Múinteoirí: Critéir agus Treoirlínte do Sholáthraithe Cláir agus i mí na Samhna 2020, d’fhoilsigh sé a chaighdeáin athbhreithnithe, Céim: Caighdeáin d’Oiliúint Tosaigh Múinteoirí. Tá cláir bhunscoile agus iar-bhunscoile ITE ailínithe le Céim: Caighdeáin don Oideachas Tosaigh Múinteoirí, dóibh siúd a ghlacadh isteach sa chéad bhliain, ó Mheán Fómhair 2022.</p> <p>Cuireadh tús le timthriall athbhreithnithe agus creidiúnaithe i mí na Samhna 2021 chun athbhreithniú a dhéanamh ar na cláir atá ann cheana i gcomhréir le Céim agus críochnaíodh é in Eanáir 2024. Rinneadh athbhreithniú agus creidiúnú ar 52 clár ó 14 IAO san iomlán. Tá 2 chlár chomhthráthacha iar-bhunscoile a ndearnadh athbhreithniú agus creidiúnú orthu faoi Céim. Rinneadh athbhreithniú agus creidiúnú ar chlár Breisoideachais nua OTM in 2023. Ní mór do chlár nua bhunscoile agus iar-bhunscoile a chuirtear isteach le creidiúnú a fháil ón gComhairle a bheith i gcomhréir le Céim.</p>
<p>Taighde</p>	<p>Is ceann d’fheidhmeanna na Comhairle Múinteoireachta taighde a dhéanamh nó a choimisiúnú chun tacú le cur chuige bunaithe ar fhianaise ina cuid oibre. Mar shampla, i gcomhpháirtíocht leis an Roinn Oideachais, choimisiúnaigh sí mórstaidéar fadaimseartha ar an taithí a bhain le bheith i do mhúinteoir in Éirinn, agus ag tosú i ngairm bheatha na múinteoireachta. Is é an teideal atá air ná Turais Ghairmiúla Múinteoirí – an Chéad Deich mBliana agus, sna blianta amach romhainn, tabharfar cuireadh do chéimithe i gcláir oideachas tosaigh múinteoirí agus do mhúinteoirí luathghairme a ndearcadh agus a dtaithe a roinnt, chun eolas a chur ar fáil d’obair forbartha beartais na Comhairle agus na Roinne.</p>

An Chomhairle Mhúinteoireachta
The Teaching Council

Bloc A, Campas Gnó Mhá Nuad, Má Nuad,
Contae Chill Dara, W23 Y7X0, Éire

F: +353 1 651 7900
R: info@teachingcouncil.ie

www.teachingcouncil.ie

An Chomhairle
Mhúinteoireachta 
The Teaching Council